

Mare eternu

E to bocche sicrete chi ingullinu i venti
E grupate figliole di i scunnisciuti pienti
Anu putere à di l'oghje è l'antichità
Tralasciate ch'elle funu da l'umanità.

Ma quandu a luna t'accarezza
Purtenduti i so raggi fiuriti
Di fole è storie favulose
Cun nave è vascelli da a notte invintati.

Tandu ti cali in core di a vechja surgente
Di li misteru chi nun conta più cunfini
E t'empii di canti chi s'affundonu feriti
Sott'à le to rivolte chi fermanu senza fine.

A Filetta